



Sarajevo, 30.10.2023. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajućeg, gđin. Marinko Čavara

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30-10-2023			
Organizaciona jedinica	Klasifikaciona oznaka	Redni broj	Broj priloga
01-	50-11	2257	23

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj: 79/14, 81/15, 97/15, 78/19, 26/20 i 53/22) podnosim sljedeću

ZASTUPNIČKU INICIJATIVU

Kojom se zadužuje Vijeće ministara BiH da u što kraćem roku usvoji i dostavi Nacrt Zakona o Budžetu institucija BiH i međunarodnih obaveza Bosne i Hercegovine za 2024. godinu Predsjedništvu BiH, koje će podnijeti Prijedlog Zakona o budžetu institucija BiH i međunarodnih obaveza BiH Parlamentarnoj skupštini Bosne i Hercegovine na usvajanje.

Obrazloženje

Zakonom o finansiranju institucija Bosne i Hercegovine kojim se između ostalog uređuje priprema, donošenje, izvršenje, računovodstvo, izvještavanje i nadzor Budžeta Bosne i Hercegovine, propisana je obaveza Vijeće ministara Bosne i Hercegovine da Predsjedništvu Bosne i Hercegovine podnese Nacrt Zakona o budžetu institucija Bosne i Hercegovine i međunarodnih obaveza Bosne i Hercegovine za narednu godinu najkasnije do 15. oktobra tekuće godine.

U skladu sa vlastitim poslovníkom, Predsjedništvo Bosne i Hercegovine dužno je da podnese za narednu godinu Prijedlog Zakona o budžetu institucija BiH i međunarodnih obaveza BiH Parlamentarnoj skupštini Bosne i Hercegovine do 1. novembra tekuće godine.

Parlamentarna skupština Bosne i Hercegovine razmatra Prijedlog Zakona o budžetu institucija Bosne i Hercegovine i međunarodnih obaveza Bosne i Hercegovine koje podnosi Predsjedništvo Bosne i Hercegovine, i u skladu sa vlastitim poslovníkom usvaja Zakon o budžetu do 31. decembra tekuće godine.

Ako Parlamentarna skupština Bosne i Hercegovine ne usvoji Zakon o budžetu prije početka fiskalne godine, finansiranje će biti privremeno sve do stupanja na snagu tog zakona, a ostvaruje se u iznosu od jedne četvrtine budžeta za finansiranje institucija Bosne i Hercegovine, u skladu s posljednjim Zakonom o budžetu institucija Bosne i Hercegovine i međunarodnih obaveza Bosne i Hercegovine. U tom periodu budžetski korisnici ne mogu početi nove ili proširene programe, koji su nužni za redovne aktivnosti iz njihove nadležnosti, a pravovremeno usvajanje budžeta značajno bi smanjilo rizik neefikasnog i neučinkovitog poslovanja i trošenja javnih sredstava po nalazima i preporukama Ureda za reviziju institucija Bosne i Hercegovine.

S obzirom da se ne poštuju zakonom propisane procedure i budžetski kalendar, podnosim ovu inicijativu sa ciljem usvajanja Zakona o budžetu institucija BiH i međunarodnih obaveza BiH za 2024. godinu od strane Parlamentarne skupštine BiH najkasnije do 31. decembra 2023. godine.

Zastupnik
Šemsudin Dedić
V. Dedić